


ZIYO CHASHMASI



ABDULLA QODIRIY NOMIDAGI JIZZAX DAVLAT PEDAGOGIKA INSTITUTI GAZETASI

*** № 6 (185) *** 2010 YIL, IYUNY ***

ISSN-2010-9393

1993 YIL, 21 MARTDAN CHIQA BOSHLAGAN

Универсиада-2010: Натижалар, Сабоқлар, Режалар

Андижон шаҳрида уч кун давом этган ёшлик, гўзаллик ва камолот байрами – "Универсиада-2010" спорт ўйинлари қатнашчиларга олам-олам қувонч ва улкан таассуротлар тухфа этди.

Президентимизнинг мазкур спорт ўйинлари иштирокчиларига табригида "...Юртимизда шаклланган, "Умид ниҳоллари", "Баркамол авлод" ва Универсиада спорт ўйинларини ўз ичига олган уч босқичли ноёб тизимнинг бамисоли қудратли тўлқинга айланиб, миллион-миллион болаларимизни ўз сафига қамраб олаётгани, уларнинг ҳам жисмоний, ҳам маънавий соғлом бўлиб улғайиши учун хизмат қилаётганини мамнуният билан таъкидлаш лозим. Айниқса, бу тизимнинг юқори босқич бўлган Универсиада мусобақалари ёшларимиз учун том маънода чиниқиш ва камолот мактабига айлангани эътиборлидир", дея алоҳида қайд этилган.

Дарҳақиқат, Ватанимиз келажаги бўлган ёш авлодни она-юртга муҳаббат ва садоқат руҳида тарбиялаш, соғлом турмуш тарзини шакллантиришга қаратилган мазкур тизимнинг нуфузи йилдан-йилга ошиб бораётир. Бошқачароқ қилиб айтганда, эндиликда ушбу спорт ўйинларининг яхлит механизми яратилди. Унинг ёшларни қамраб олиш даражаси ҳам кенгаймоқда.

Бундан ўн йил муқаддам Наманган шаҳри мезбонлик қилган мазкур спорт ўйинларида талаба-ёшлар спортнинг 9 тури бўйича голиблик учун кураш олиб борганди. Уша йили саралаш босқичида 50 минг нафар талаба иштирок этганди. Бу сафар саралаш мусобақаларида қатнашган спортчи-ёшлар сони 150 минг нафардан ошиб кетди.

Талаба-спортчиларнинг мусобақаларга пухта тайёргарлик кўргани, тажриба ва маҳоратини ошириш борасида тинимсиз машқ қилгани, галабага интилиши беллашувларнинг мурасасиз ўтишини, аввалги мусобақалардаги кўрсаткичларнинг сезиларли даражада янгиланишини таъминлади.

Бахсларда Қорақалпоғистон Республикаси, Тошкент шаҳри ва вилоятлардан 1800 нафарга яқин йигит-қиз спортнинг ўн икки тури бўйича ўзаро беллашди. Мусобақаларда жиззахлик ёш спортчи талабаларимиз вилоятимиз шарафини ҳимоя қилдилар.

Мазкур мусобақада Жиззах Давлат педагогика ва политехника институтлари талабаларидан ташкил этилган вилоятимиз терма жамоаси ўз тенгдошлари билан куч синашишди. Вакилларимиз спортнинг футбол, шахмат, енгил атлетика, белбоғли кураш, дзю-до ва сузиш, теннис турлари бўйича қувонарли ютуқларга эришдилар.

Ўзбекистон терма жамоаси аъзоси, 2005 йилда Францияда

ҳамда 2007 йилда Туркияда ўтказилган ёшлар ўртасидаги жаҳон чемпионатининг бронза медаллари соҳиби, 2006 йилда бўлиб ўтган "ЧехОпен" халқаро турнири голиби, халқаро ФИДЕ устаси, бир неча халқаро мусобақалар голиби Юлдуз Ҳамроқулова шахмат бўйича барча тенгдошларидан маҳоратли эканлигини яна бир қарра намойиш этиб, олтин медалга сазовор бўлди. Жиззах политехника талабаси Ҳасан Каримов сузиш бўйича бронза медали соҳиби бўлди.

Институтимиз вакилларидан енгил атлетикачи Павел Вдовенко ва белбоғли кураш бўйича Ойбек Бердимуродовлар шохсупанинг иккинчи погонасидан ўрин олиб, қумуш медал эгаси бўлган бўлсалар, дзю-до бўйича Жамол Бурҳонов, сузиш бўйича Гузалия Нугумановалар бронза медалини қўлга киритдилар.

Жиззах вилоятининг футбол командаси умумжамоа ҳисобида 4-ўринга сазовор бўлди.

Эришилган галабаларда устоз – мураббийлар Абдурасул Қурбонов, Қобил Турсунов, Баҳриддин Бўрибоев, Фурқат Аҳмедов, Бахтиёр Султонов, Ақрамжон Абдулаҳатовларнинг муносиб улушлари бор.

Ҳа, мусобақалар поёнига етди. Спортчи талабаларимиз қадрдон институтлари бағрига эсон омон қайтдилар. Аммо сўлим Андижоннинг "Соғлом авлод" ўйингоҳида ўтказилган беллашувлар, шу билан бирга турли олий ўқув юртиларидан ташриф буюрган ёшларнинг дўстона учрашувлари бир умр эсда қолади. Универсиада мусобақаларида бирдамлик, дўстлик, ёшлик ва гўзаллик голиб чикди.

— Мени Андижон шаҳри ўзига мафтун қилди, — дейди хорижий тиллар факультети 1-босқич талабаси, сузиш бўйича бронза медалига сазовор бўлган Гузалия Нугуманова, — насиб этса келаси "Универсиада" да қатнашиб, чемпион бўлиш орзум бор. Навбатдаги мезбон-тарихий Бухоро шаҳри бўлади. Мусобақаларга эса ҳозирдан пухта тайёргарлик кўриб боришни ва юқори шохсупага чиқишни ният қилдим...

Енгил атлетикачи Павел Вдовенко ўз таассуротларини гапириб бераркан, шундай деди: — Жиззах вилояти ҳокимлиги, ҳомий ташкилотларга миннатдорчилик билдираман. Айни пайтда биз талаба-ёшларга яратиб берилаётган шароитлар учун институтимиз раҳбариятига, устоз ва мураббийларимга раҳмат.

Кўп сонли газетхонларимиз ва институт жамоаси номидан голиб спортчиларимизни чин қалбдан табриқлаймиз ва уларнинг бундан кейинги фаолияти янада самарали бўлади, деб умид қиламиз.

Ўз мухбиримиз.



ОЛИМПИАДА БИЛИМДОНЛАРНИ АНИҚЛАДИ

Мамлакатимизда ёшларга кўрсатилаётган бекиёс ғамхўрликлар туфайли истеъдодли ўғил-қизлар сафи тобора кенгайиб бораёпти. Уларнинг иқтидорини рўёбга чиқариш ва қўллаб-қувватлашда мунтазам ўтказиб келинаётган фан олимпиадалари, симпозиумлар, мусобақалар,

турли кўрик-танловлар муҳим аҳамият касб этаётир.

Ўзбекистон Республикаси Олий ва ўрта махсус таълим вазирининг "Олий таълим муассасаларида 2010 йил талабалар республика фан олимпиадасини ташкил қилиш ва ўтказиш ҳақида" ги буйруғига

асосан Республикаимизнинг олий таълим муассасаларида фан олимпиадаси II босқичи муваффақиятли ўтди. Институтимизнинг иқтидорли талабалари ҳам яқунловчи босқичда фаол қатнашдилар ва фахрли ўринларни олишга муваффақ бўлдилар.

ФОЛИБЛАРНИ ТАБРИҚЛАЙМИЗ!

Республика фан олимпиадаси II босқичида фахрли ўринларни эгаллаган институтимиз талабалари ҳақида маълумот

№	Талабанинг исми, отасининг исми	Тутилган сана	Факультети, курси	Илмий раҳбари	Эгаллаган ўрни
КИМЁ ФАНИ БҮЙИЧА					
1.	Ражабов Одил Оқил ўғли	16.06.1988 йил	Табиатшунослик факультети, 3-курс	Ш. Шарипов, кимё фанлари номзоди	1-ўрин
БИОЛОГИЯ ФАНИ БҮЙИЧА					
2.	Ақрамов Давлат Ҳимматқулович	01.04.1987 йил	Табиатшунослик факультети, 4-курс	Д. Муҳаммадиев, ўқитувчи	2-ўрин
ФИЗИКА ФАНИ БҮЙИЧА					
3.	Ёриев Аббос Абдурахимович	14.04.1988 йил	Физика-математика факультети, 3-курс	Ш. Дониёров, физика- математика фанлари номзоди, доцент	2-ўрин
МАТЕРИАЛЛАР ҚАРШИЛИГИ ФАНИ БҮЙИЧА					
4.	Ҳамроев Шерзод Абдурахмонович	07.06.1984 йил	Физика-математика факультети, 3-курс	С.Убайдуллаев, техника фанлари номзоди, доцент	2-ўрин
МУСИҚА НАЗАРИЯСИ ФАНИ БҮЙИЧА					
5.	Дўстмухаммедова Гулҳаё Дўстмухаммедовна	09.10.1990 йил	Педагогика факультети, 3-курс	И. Қудратов, педагогика фанлари номзоди, доцент	3-ўрин
ЖИСМОНИЙ ТАРБИЯ, СПОРТ НАЗАРИЯСИ ФАНИ БҮЙИЧА					
6.	Аҳмедов Фаррух Шавкатович	04.10.1986 йил	Жисмоний тарбия ва жисмоний маданият факультети, 3-курс	Ф. Қ. Аҳмедов, жисмоний тарбия фани ўқитувчиси, педагогика фанлари номзоди	3-ўрин

ТАҲРИРИЯТ ХОДИМЛАРИ БИЛАН УЧРАШУВ

Институтимизнинг маданият саройида талабалар ва профессор-ўқитувчилар Жиззах вилоят ҳокимлигининг "Жиззах ҳақиқати" ҳамда "Джиззакская правда" газеталари ижодий ходимлари билан учрашув ўтказдилар.

Учрашувни институт ректори, профессор О. Дўсмаатов кириш сўзи билан очди. "Жиззах ҳақиқати" ва "Джиззакская правда" газеталарининг бош муҳаррири С. Сафаров, газетанинг бош муҳаррири ўринбосари У. Даминов, масъул котиби А. Қаюмов вилоят газетаси ижодий ходимларининг 36 йиллик босиб ўтган йўли, жамоатчилик фикрини уйғотишда таҳририятнинг ўзига хос тажрибалари, журналистларнинг ижодий режалари ҳақида ахборот бердилар. Айни пайтда институт профессор-ўқитувчилари ва ижодкор талаба-ёшларнинг газета таҳририяти билан алоқаларини янада мустаҳкамлаш, вилоятимиз ойнаси ҳисобланган газеталар мазмун-мундарижасини бойитиш ҳақида мулоҳазалар билдирилди.

Матбуот ва Оммавий ахборот воситалари ходимлари байрами арафасида ўтказилган мазкур учрашув иштирокчиларда яхши таассурот қолдирди.

Ўз мухбиримиздан.

